



MASTERPROGRAMI
na Ekonomskom fakultetu u Zenici
2019/2020. godine

SADRŽAJ

Riječ DEKANA / 3

O studiju / 5

Akreditacije / 6

Studijski programi / 7

Studij „Menadžment preduzeća” / 8

Studij „Računovodstveni i revizijski menadžment” / 9

Studij „Lokalni ekonomski razvoj i politika“ / 10

Studij „Poslovne i javne finansije“ / 11

Nastavni proces / 12

Završetak studija / 12

Više informacija / 13

Riječ DEKANA



Poštovane kolegice i kolege,

pred vama se nalazi Vodič za master studije na Ekonomskom fakultetu Univerziteta u Zenici. Iako je Ekonomski fakultet osnovan 2005. godine do sada je na magistarski, odnosno master studij, upisano dvanaest generacija studenata iz područja ekonomije i biznisa. Afirmacijom istinskih vrijednosti opredijeljeni smo za njegovanje dosadašnje tradicije visokog obrazovanja i kontinuirano inoviranje i osavremenjavanje programa i sadržaja koji su u skladu sa modernim trendovima u ekonomiji. Privreda, nauka ali i državna administracija zahtijevaju, i još više će zahtijevati, stručnjake koji su osposobljeni da se hrabro suočavaju sa brojnim teškoćama i problemima i da ih uspješno prevazilaze, oslanjajući se na kreativnost, znanje, razumijevanje i upornost. Stoga pozivamo sve zainteresovane diplomirane ekonomiste, ali i sve diplomirane studente ostalih srodnih fakulteta iz Bosne i Hercegovine i izvan nje, koji žele unaprijediti i poboljšati svoja znanja iz ekonomije i biznisa da postanu dio našeg uspješnog tima. Fleksibilnost, inovativnost, posvećenost studentu i okrenutost ka tržištu rada su naše prednosti koje vam garantuju uspjeh u akademskom i profesionalnom životu.

Doc. dr. Alaudin Brkić, dekan



“

Master studij je izvrsna prilika da studenti steknu znanja neophodna za suočavanje sa kompleksnim izazovima poslovanja. Posebno bih istakao uključivanje stručnjaka iz prakse u nastavni proces.

— Venan Hadžiselimović, HIFA OIL

”



“

Toplo preporučujem diplomantima jedan od master programa na Ekonomskom fakultetu. Veoma cijenim način na koji studijski programi povezuju teoriju i praksu.

— Izudin Neimarlija, TVORNICA CEMENTA KAKANJ

”



“

Kvalitetno i kreativno osmišljeni studijski programi na Ekonomskom fakultetu. Naša kompanija je kvalitetnim studentima pružila mogućnost zaposlenja.

— Mahmut Galijašević, MANN+HUMMEL BA

”

OSTUDIJU...

Magistarski postdiplomski studij na Ekonomskom fakultetu Univerziteta u Zenici je pokrenut kao odgovor na stalne promjene u užem i širem okruženju koje zahtijevaju kontinuirano stvaranje novih vrijednosti i visokoobrazovane stručnjake koji mogu kreativno i uspješno odgovoriti na izazove. Stalni rast saznanja u oblasti ekonomskih nauka zahtijevao je česte izmjene nastavnih planova i programa, i prilagođavanja novoj ekonomskoj i društvenoj realnosti. U nastojanju da se što je moguće više intenziviraju aktivnosti na međunarodnom priznavanju diploma i daljoj implementaciji Bolonjskog procesa master studij traje dva semestra sa ukupno 60 ECTS bodova. Studij je baziran na usvajanju savremenih naučnih i istraživačkih dostignuća iz oblasti ekonomije i namijenjen je prvenstveno diplomiranim ekonomistima, ali i svim diplomiranim studentima ostalih srodnih fakulteta iz Bosne i Hercegovine i izvan nje, koji žele unaprijediti i poboljšati svoja znanja iz ove naučne oblasti. Kandidat koji završi drugi ciklus studija stiče akademsku titulu i zvanje magistar ekonomije.

AKREDITACIJE



STUDIJSKI PROGRAMI

Nastava se izvodi prema utvrđenim studijskim programima za određene odsjeke. Studijski programi su koncipirani prvenstveno u skladu sa postojećim naučnim oblastima koje se izučavaju na prvom ciklusu studija.

STUDIJ „Menadžment preduzeća“

Studij „Menadžment preduzeća“ je namijenjen onima koji žele kombinovati analitička znanja iz ekonomije i biznisa sa praktičnim znanjima i vještinama menadžmenta. Rezultat ovog studija treba da budu ne samo budući menadžeri već i tzv. poslovni analitičari (business analysts) sa odličnim poznavanjem logike odvijanja poslovnih procesa. Ovaj program pruža najprije osnovna znanja iz ekonomije, biznisa i menadžmenta, a zatim osigurava menadžerska znanja i alate u pojedinim područjima kao što su: marketing menadžment, operacijski menadžment, informacijski menadžment itd. Pored navedenih znanja, budući menadžeri se kroz kvantitativne predmete obrazuju za korištenje analitičkih metoda i tehnika u savremenom upravljanju.

Na ovom studijskom programu izučavaju se sljedeći predmeti:

Br.	Naziv predmeta	Semestar studija	Status predmeta
1	Istraživačke metode u ekonomiji	I	Obavezan
2	Poduzetnički menadžment	I	Obavezan
3	Poslovna strategija	I	Obavezan
4	Strateške alijanse	I	Obavezan
5	Krizni menadžment	II	Obavezan
6	Izborni predmet	II	Izborni
Kandidati biraju jedan od sljedećih predmeta:			
1	Marketing strategija	II	Izborni
2	Menadžment zasnovan na vrijednosti	II	Izborni
3	Konkurentnost preduzeća	II	Izborni
4	Savremeni koncepti menadžmenta	II	Izborni

Cijena školarine za redovne studente iznosi 50 KM, a cijena školarine za redovne samofinansirajuće studente iznosi 1.500 KM.

STUDIJ „Računovodstven i revizijski menadžment“

Studij „Računovodstveni i revizijski menadžment“ je namijenjen onima koji žele kombinovati analitička znanja iz ekonomije i biznisa sa praktičnim znanjima i vještinama koje se izučavaju računovodstvom. Rezultat ovog studija treba da budu ne samo budući računovođe već i tzv. poslovni analitičari (business analysts) sa odličnim poznavanjem logike odvijanja poslovnih procesa i analize finansijskih izvještaja što im omogućuje prikupljanje informacija za donošenje poslovnih odluka. Ovaj program pruža najprije osnovna znanja iz ekonomije, biznisa i menadžmenta, a zatim osigurava računovodstvena i revizijska znanja i alate u pojedinim područjima kao što su: interna revizija, finansijsko izvještavanje, računovodstvo troškova itd.

Na ovom studijskom programu izučavaju se sljedeći predmeti:

Br.	Naziv predmeta	Semestar studija	Status predmeta
1	Istraživačke metode u ekonomiji	I	Obavezan
2	Finansijsko računovodstvo, izvještavanje i prezentacija	I	Obavezan
3	Upravljačko računovodstvo, odlučivanje i kontrola	I	Obavezan
4	Interna revizija, upravljanje rizicima i strateško upr. org.	I	Obavezan
5	Upravljanje zaradama i oporezivanje	II	Obavezan
6	Izborni predmet	II	Izborni
Kandidati biraju jedan od sljedećih predmeta:			
1	Prognoziranje zasnovano na finansijskom izvještavanju	II	Izborni
2	Državna revizija	II	Izborni
3	Računovodstvo budžeta i planiranje	II	Izborni
4	Kvantitativne metode u računovodstvu i reviziji	II	Izborni

Cijena školarine za redovne studente iznosi 50 KM, a cijena školarine za redovne samofinansirajuće studente iznosi 1.500 KM.

STUDIJ „Lokalni ekonomski razvoj i politika“

Studij „Lokalni ekonomski razvoj i politika“ je namijenjen onima koji žele da steknu potrebna znanja i profesionalne kompetencije u kreiranju razvojnih dokumenata lokalnih zajednica, te samostalnom obavljanju poslovnih analiza i istraživačkih procesa u privatnom i javnom sektoru. Budući magistri ekonomije nakon okončanja studijskog programa „Lokalni ekonomski razvoj i politika“, će biti osposobljeni da odgovore na predstojeće izazove u nekim usko specijaliziranim područjima od vitalnog interesa za razvoj lokalnih ekonomskih politika i upravljanja procesima planiranja različitim razvojnim projekata u privatnom sektoru, kao što su ekonomska analiza, ekonomsko istraživanje, izrada strateških dokumenata za održivi rast i razvoj, odnosno upravljanja procesima razvoja elemenata poduzetničke infrastrukture i sprovođenja niza neophodnih institucionalnih reformi u zemljama u tranziciji.

Na ovom studijskom programu izučavaju se sljedeći predmeti:

Br.	Naziv predmeta	Semestar studija	Status predmeta
1	Istraživačke metode u ekonomiji	I	Obavezan
2	Industrijska politika	I	Obavezan
3	Makroekonomske strategije	I	Obavezan
4	Lokalne ekonomski razvoj	I	Obavezan
5	Ekonomija javnog sektora	II	Obavezan
6	Izborni predmet	II	Izborni
Kandidati biraju jedan od sljedećih predmeta:			
1	Izrada i evaluacija razvojnih projekata	II	Izborni
2	Ekonomija BiH i EU	II	Izborni
3	Lokalna i regionalna uprava	II	Izborni
4	Komparativni ekonomski sistemi	II	Izborni

Cijena školarine za redovne studente iznosi 50 KM, a cijena školarine za redovne samofinansirajuće studente iznosi 1.500 KM.

STUDIJ „Poslovne i javne finansije“

Studij „Poslovne i javne finansije“ je namijenjen onima koji žele da unaprijede stečena znanja i vještine u rješavanju konkretnih problema iz područja poslovnih i javnih finansija u zemljama u tranziciji. Studijski program je strukturiran s ciljem pokrivanja više disciplina iz naučne oblasti finansija, kao što su: bankarstvo i finansijska tržišta u razvoju, javne finansije i budžetiranje, finansijsko planiranje, analiza i kontrola i modeli u finansijskom menadžmentu. Budući magistri ekonomije nakon okončanja studijskog programa „Poslovne i javne finansije“, će biti osposobljeni za obavljanje poslova: finansijske analize, finansijskih ulaganja, upravljanja rizicima, kreiranja i izvršavanja budžeta, procjene efektivnosti, efikasnosti i ekonomičnosti javnog finansiranja, procjene efekata budžetskih politika, finansijskog upravljanja u javnom sektoru, procjene vrijednosti preduzeća, upravljanja investicijama i upravljanja poslovnom aktivom i obavezama preduzeća.

Na ovom studijskom programu izučavaju se sljedeći predmeti:

Br.	Naziv predmeta	Semestar studija	Status predmeta
1	Istraživačke metode u ekonomiji	I	Obavezan
2	Finansijsko planiranje, analiza i kontrola	I	Obavezan
3	Javne finansije i budžetiranje	I	Obavezan
4	Bankarstvo i finansijska tržišta u razvoju	I	Obavezan
5	Modeli u finansijskom menadžmentu	II	Obavezan
6	Izborni predmet	II	Izborni
Kandidati biraju jedan od sljedećih predmeta:			
1	Analiza i vrednovanje učinaka javnog sektora	II	Izborni
2	Finansijski derivativi	II	Izborni
3	Portfolio analiza	II	Izborni
4	Finansijske obligacije	II	Izborni

Cijena školarine za redovne studente iznosi 50 KM, a cijena školarine za redovne samofinansirajuće studente iznosi 1.500 KM.

Nastavni proces

Nastava se odvija kroz teorijska predavanja, praktične vježbe, konsultacije, analizu studija slučajeva, te pisanje pristupnih radova. Predmeti su svrstani u tri grupe: zajednički predmeti, koje slušaju svi studenti postdiplomskog studija bez obzira na smjer, obavezni smjerski predmeti i izborni predmeti. Ova diverzifikacija omogućava fleksibilnost, te aktivno učešće studenata u kreiranju studija prema vlastitom polju interesovanja. Fakultet zadržava pravo da na početku svakog ciklusa donese odluku za koje izborne predmete će se organizovati nastava, a na osnovu interesovanja kandidata i raspoloživih resursa.

Završetak studija

Magistarski studij završava se polaganjem svih ispita, te izradom i javnom odbranom magistarskog rada u skladu sa studijskim programom i Statutom Univerziteta. Magistarski rad predstavlja samostalan naučno-istraživački i stručni rad kandidata, kojim on pokazuje da je ovladao određenom problematikom i da može samostalno da postavlja i rješava naučne i stručne probleme. Troškovi odbrane magistarskog rada i ostali troškovi studija regulisani su Odlukom Senata Univerziteta u Zenici o visini školarine i drugim naknadama.

Prilikom prijave teme magistarskog rada potrebno je popuniti i dostaviti sljedeće formulare:

1 / Izjava o autentičnosti

2 / Forma prijave teme za izradu magistarskog rada

3 / Prijava teme magistarskog rada

4 / CV

Višeinformacija...

**UNIVERZITET U ZENICI
EKONOMSKI FAKULTET**

www.ef.unze.ba

Fakultetska 3, 72000 Zenica

E-mail: ef@ef.unze.ba

Tel: (+387 32) 460 440